

այլ զպատճառս . առաջին պատճառ , որ ոչ եմ բնիկ ի յերկրէս , և ոչ գիտեմ զլեզու սոցունց , այլ որպէս համր կենամ . երկրորդ , ի մէջ զարիպութեան ոչ ունիմ ծանօթ և օգնիչ և կամ մխիթարիչ . բայց միայն ունիմ զարարիչն իմ Աստուած . երրորդ , ունիմ զժերութիւն , որ և մերձ եմ ի մահ . չորրորդ պակասաւոր եմ , ունիմ զաղքատութիւն հոգով և մարմնով . հինգերորդ , որ աչքս ոչ ունի պարզ և յիստակ տեսութիւն , զի սակաւ տեսանէ վասն ի ծերութենէ . վեցերորդ , որ կայ ի վերայ իմ մեծամեծ քան զչափս աւելի սուգ և տրտմութիւն . վասն այնորիկ եթէ հասեալ է օր մահուս , և անկարծ մեռանիմ ի յերկիր օտարաց . ոչ կայ գերեզմանատեղ Հայոց աղգիս . տարեալ իջուցանեն ի խոր վիրապ մի , և լինիմ մարմնակորուստ : Ահա այսքան սակաւօք ճառեցի զորպիսութիւն մեր . անմեղադիր լերուք վասն իմ մեղուցելոյս : Եթէ ի միջի սաղմոսարանիս սղալութիւն գտցի , այն ոչ է ի կամաց , այլ ի մոռացմանէ և կամ կասկածանաց սրտի մերում եղեալ էր : Վասն որոյ խնդրեմ առ ձեզ , ո՛վ հանդիպողք գրոցս , հայրք և եղբայրք , ներել և զպակասն ընուլ և զաւելորդն յապաւել , որք թէ հմուտ էք արուեստի և մակացութեան , և զմեզ պահել անմեղադրելի : Ողջ լերուք ի Տէր . ամէն . եղիցի : — Կատարեցաւ Երգարանս ի ԹՎին Հայոց ՌՃԻԲ , ի դեկտեմբերի ամսոյ ի օրն հնկեռասան . Յիսուսի Քրիստոսի մարդացելոյն փառք և պատիւ յաւիտեանս . ամէն :

Ո՛վ ընթերցողք սուրբ Սաղմոսիս  
 Եւ հանդիպողք այսրմ գըրիս ,  
 Հայր մեղայ մի խնդրէ Գրիգոր գերիս  
 Եւ բազմամեղ ողորմելիս .  
 Վարձըս տայ ձեզ յայնմ յաւիտենին ,  
 Յորժամ ասէ . Յարիք առ իս . . .  
 Չեռըս փըտի ի հող դառնայ ,  
 Գիրս յիշատակ առ ձեզ մընայ :

Ի ԹՎին Հայոց ՌՂ ամի սամառնացաւ (?) ծոփն բովանդակ , մինչեւ գնաց հասաւ ի ովկիանոսի մեծ ծոփն , փետրվար ամսոյն մէկէն մինչեւ ի մարտի ամիսն . վասն գիտութեան լինելոյ՝ զպաղն ծակեցին և առին զչափն , որ և իրեք կանգուն և կէս էր թանձրութիւն պաղին : Սով եղաւ Ըստըմպօլ . 25 դրամ հացն՝ մէկ ստակ , այն այլ հող և մոխիր էր :

Թուականութիւն Թուրքաց ժամանակաց (յառմանէ Կ . Պօլսի՝ մինչ իր ժամանակն) . . . Յետ այնորիկ (Իպրահիմի) նստաւ Իպրահիմի որդի Գ Մահմատ անուն , որ էր Հայոց ԹՎին ՌՂԷ . որ եկաւ առաւ զԳամենից , և այժմ հակառակութեամբ պատերազմի ընդդէմ Լեհաց երկրի : Վերջ : [Սաղմոս ի Մուսագոյ Պաշիերայ <sup>1</sup> ] :

1 . Գրած է և ոտանաւոր գովեստ Սաղմոսաց , յորում գրէ զինքն « Ոսկերէն Գրիգոր Ըստմպօլցի » :